



## **Fändelen**

### 1. Allgemenges

De Fändel mam Verbandsofzeechen (Gruppfändel resp. Campfändel) weist d'Zougehéieregkeet vum Grupp, de Brânnenunitéiten an de Mëmbere vum Grupp zum Scoutissem/Guidissem an zum Verband vun de Lëtzebuergesch **Guiden a Scouten**.

Hien as bei wichtegen Amenter am Liewe vum Grupp a vun de Brânnenunitéiten derbäi.

Hie kann och iwwerall do gedroe gin, wou de Grupp oder Mëmbere vum Grupp sech an der Öffentlechkeet an Uniform weisen.

### 2. De Gruppfändel

#### 2.1. Et besteet nëmme ee Modell vu Gruppfändel (Modell LGS).

En as blo-mof, 130 x 100 cm grouss an huet an der Mëtt d'Verbandsofzeechen, dat 65 cm héich as. Iwwer dem Ofzeeche steet " Lëtzebuergesch **Guiden a Scouten** ", ënner dem Ofzeechen den Numm vum Grupp a vun der Uertschaft op lëtzebuergesch oder op franséisch.

D'Bustawe si giel Majusculen. De Stréch as 8 mm déck.

Bei der Schrëft " Lëtzebuergesch **Guiden a Scouten** " sin d'Ufanksbustawen L G S 6,5 cm héich, déi aner Bustawen 4,5 cm héich.

D'Bustawe vum Gruppennumm a vun der Uertschaft si 5 cm héich.

D'Bustawe sin op de Fändel brodéiert.

De Fändel as aus Seid.

#### 2.2. D'Fändelsstaang as en zweedelege Javelot an huet een no ënnen zougespëtzte Fouss aus Metall.

#### 2.3. All Grupp huet nëmme ee Gruppfändel.

### 3. D'Campfändelen

#### 3.1. Rout-wäiss-bloen Nationalfändel: En as 200 x 120 cm grouss (Proportioun 5:3).

#### 3.2. Blo-mofe Fändel: En as 175 x 125 cm grouss an huet an der Mëtt d'Verbandsofzeechen, dat 90 cm héich as. Enner dem Ofzeeche steet "Lëtzebuergesch **Guiden a Scouten** ".

D'Bustawe si giel Majusculen. De Stréch as 10 mm déck.

D'Ufanksbustawen L G S sin 8 cm héich, déi aner Bustawe si 5,5 cm héich.

D'Bustawe sin opgedréckt.

De Fändel as aus Nylon.

#### 3.3. D'Campfändele gin opgehaang an hu keng eege Fändelsstaang.

#### 3.4. All Grupp ka méi wéi zwee Campfändelen hun.

### 4. Schlussbestëmmung

D'Fändele mam Verbandsofzeeche gi vun dem Gruppechef (der Gruppecheftaine) am Shop vun de Lëtzebuergesch **Guiden a Scouten** bestallt.